





H. XIII. 8

Nova-Tacina. Liter. -

937.
1





Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum
DECADIS II.
EXERCITATIO IV.
De

ORIGINE

ANIMÆ RATIONALIS

in homine

Posterior & destructoria.

Philosophica & Scholastica.

*Ad disceptandum in Gymnasio Gedanensi
proposita*

PRÆSIDE

HENRICO NICOLAI

Philos. Professore Publico

Respondentis vices obtinente

NICOLAO ARNOLDO Lesnensi Polono.

Ad diem 18. Martij S. N.

In Auditorio Philosophico

Horis ab 7. matutinis.

✻ (o.) ✻

Gedani. Typographo GEORGIO RHETIO ex-
scripta. ANNO 1637.

OPUSCULE

HENRICO NICOLAI

NICOLAI CAROLO LESCHNITZ Polono.

Ad dñm M^{rs} S. M.
in A^{ca}demia^{re} Lipsiensi

L

I

norm
hab
ran
frit
qui
am
ran
dic
eni
l. 7
ne
fun
fil
ld

fir
pag

De Origine ani-

mæ rationalis.

Posterior seu destructoria.

I.

IN Eretrienes jactum Themistoclis cavillum
 Erasimus in 5. Apophtegma: memorat, quo similes eos
 pisciculis esse dixit, quos gladiolos vocamus, qui gladio
 quidem instructi sint: corde autem, quo gladium vibrare
 norint, destituantur. Ignaviam eorum notans, quod arma
 habentibus animus stringendi illa in hostem deficiat. In litte-
 rarijs velitationibus non arma solum habere oportet, sed &
 stringendi ea in hostem animum. Nec satis opere defungitur,
 qui propria tantum sententia firmanda intentus agit: sed &
 arma in hostem expedienda sunt, & quid ipsius firmamenta fe-
 rant, perpendendum. Quippe non tantum opus est, ut vera
 dicamus: sed & oportet, ut falsi causam explicemus, hoc
 enim ad fidem faciendam conducit, dicente Philosopho
 1. 7. Ethic. c. 15. Ergo cum propriam de ortu animæ huma-
 næ sententiam firmaverimus: arma ultra jam in hostem
 sunt promovenda, lustranda dissentientium castra, & quid ho-
 stilia tela ferant, expendendum ad justam bilancem fuerit.
 Id jam ἀνασκευαστῆς aggredi cum Deo conabimur.

2. Priusquam id occupetur, firmanda est & appendix no-
 stræ sententiæ, quam adjunximus d. 3. t. 22. fieri nempe pro-
 pagationem animæ humanæ per singularem Dei cooperati-

onem, quæ specialiter in hac infirmitate à nobis explicari nequeat. Eam sic firmamus. 1. Ea, quæ in corporeis rebus fiunt, & sensibilia sunt, difficulter cognoscimus, aut rationes eorum assignamus. Vid. Sapient. 9. v. 16. 1. Cor. 13. v. 9. E. multò magis spiritualia & quæ ad illa pertinent, difficulter cognoscemus. 2. Formationem ossium & corporis in utero quoad omnes modos speciales explicare non valemus, & res admiratione digna est. Vid. Psalm. 139. v. 14. 15. Eccles. II. v. 5. E. minùs formationem animæ humana distinctè explicabimus. 3. Ventorum originem specialem ignoramus, quos tamen sensibus sentimus. Vid. Job. 38. v. 24. Eccles. II. v. 5. Joh. 3. v. 8. Magis spiritualium substantiarum. 4. Formarum materialium origo difficilis cognitu. V. d. 2. c. 1. Ergò magis immaterialium. Consentiunt Philosophi, qui generationem & formationem hominis & partium ejus admirandum opus fatentur. Avicenna opus super omnia mirabilia mirabile confessus est, ap. Gerhard. d. ima. Dei. §. 123. Galenus in libris de usu partium, hymnum Deo canere cogitur, ob mirabilem corporis humani structuram. 1. 3. c. 10. & l. 15. c. 1. Verba nostra conditoris sapientià longè inferiora esse ait, qui ne exponere quidem verbis possimus, quæ ipse nullo negotio condiderit. Ibidem fatetur, nescire se, quomodo facta sint membra: vix inveniri, quod sint facta, nisi dissecando edoceamur. Si quis scrutetur, quo pacto facta sint, convincatur nec suam imbecillitatem intelligere, nec opificis sui potentiam. Similia c. 4. 5. 6. 7. habet. Basiliius M. rogat subtiliores Philosophos, ut unius formicæ, culicis, aut pulicis anatomen ritè instituant, apud D. Tarnov: ex. Bibl. p. 879. Scriptura emphaticis verbis illud describit, & Deo adscribit. Job. 10. v. 8. 9. 10. De quo V. D. Gerhard. d. conju. §. 444. Vallesi. c. 45. d. fac.

Phil

Phil. Alstedius *hominis generationem admirandum opus vocat.* l. 2. Ency. p. 6. c. 6. §. 2. *Si tam admirandum opus generatio hominis, nihil miri, si originem animæ & animationis in specie explicare nequeamus: sufficiat scire, quod propagando oriatur.* Accogitetur illud, partem humanæ sapientiæ esse, quædam æquo animo ignorare velle, ac sapientiam veram esse, nolle nimis sapere, dicente Scalig. ex. 274. Et cum Augustino dicatur l. 1. ep. 3. *Demus Deum aliquid posse, quod nos fateamur investigare non posse.* Quippe occulta natura homini ignota, sapienti haud quaquam vestiganda erit, iterum dicente Scalig. ex. 344. f.

3. Ita appendix nostra firmata Dissentientes cum diversi sint, ut d. 3. t. 2. 3. visum, etiam diversis se firmant rationibus. Qui animam humanam ex essentiâ Dei deduxerunt, insufflationem Gen. 2. v. 3. urserunt. Et quod ex ipso omnia esse dicaatur. Rom. II. v. 36. 1. Cor. 8. v. 6. Ad prius responsum est ex. 3. th. 7. Dicta Rom. II. & 1. Cor. 8. ex Deo omnia ut efficiente, regente & conservante esse aiunt, non de Deo, ut materiâ. Ex ipso, non de ipso & de substantiâ ejus sunt omnia, ait Augustinus. *Ex in sacris interdum est efficiens, non materia.* Mat. 1. v. 20. Oic. 8. v. 4. Joh 8. v. 44. 1. Joh. 3. v. 8. Et sic d. 3. c. 1. negatum est, ex Deo animam esse, si ex materie intelligatur. Qui ex elementis animam deducunt, urgent, quod sit forma corporis & materialis mobilis: quod commoveatur & patiatur ab eo, ut in morbis, phrenesi, delirijs videmus: quod lassitudines, tadia, agriitudines, perturbationes in corpore sentiat, sic in ebrietate turbetur; succumbente sub labore corpore & ipsa succumbat. V. Lucret. l. 2. d. rer. nat. p. mihi 60. 66. 67. seq. Ad hæc respondetur 1. quod sit corporis forma, ex eo non sequitur, eam esse corpoream. Nam & corpus à Spiritu informari potest, ubi operationes id docent.

docent. Quales hic sunt, ut ratiocinari, loqui intelligere, vel-
le, qua non sunt operationes principij corporei, sed spiritualis.
Sic Angelus corpus sibi uniens potest illud ad tempus informare,
& operationes per illud exercere. 2. In delirijs, morbis, ebrie-
tatibus non anima turbatur vel afficitur, sed spiritus corporis à
naturalì ἐννομήτῃ demouentur, quæ sunt organa animæ, per
quæ operationes suas expedit, quamdiu manet in corpore. Or-
ganis autem operationum turbatis nihil miri est ipsas operatio-
nes turbari. Cum Medici quandoquæ dicunt in morbis men-
tem laborare, ἐν πλάτῃ sunt intelligendi, de operationibus & o-
perandi modis, quæ per organa corporis mense expedire debeat,
quæ turbata sunt. De tertiâ Pythagoræorum sententiâ pa-
rum rationum, quibus firmetur, extat.

4. IV. Qui educationem animarum ex potentiâ mate-
riæ defendunt, sequentia argent. 1. Anima est proprius &
naturalis actus corporis, cum quo facit unum per se. E. & eun-
dem ortum cum corpore habere debet, ex potentiâ seminis elici.
R. Negatur consequentia. Anima Adami erat proprius actus
sui corporis, & tamen à Deo inspirabatur, non ex materiâ elici-
ebatur. Et aliquid proprius corporis actus sit, satis est, si essenti-
alem subordinationem & vim informandi ad corpus habeat,
non necesse est eodem ortu speciali cum corpore gaudere. Ge-
neralis ortus potest esse communis, propagari: specialis di-
uersus, ut d. 3. c. 22. dictum. 2. In materiâ humanâ est na-
turalis potentia ad recipiendam formam humanam. E. & ad
producendam eam. Quia cuiuslibet potentie passivæ respondet
actiua. R. Potentia passivæ respondet pot. actiua, vel in eo-
dem subiecto, cum operandi modus non totam ejus activitatis
sphæram superat: vel in diverso, cum superat. Sic spiritum im-
mortalem producere superat vim naturalem seminis, ideo ad
superius ag. ns confugiendum, Deum, qui singulari & mirabili
opera-

operatione in propagatione anima humana concurrat, ut dictum
c. l. 3. Bruta educunt suas formas ex potentiâ materiae. Sed
homo in generatione non debet esse inferior bruto. E. & ille de-
bet educere. R. Homo non sit inferior bruto sc. in modo gene-
rali, & sic ut brutum generando propagat totam speciem, sic
& homo. V. l. c. t. 24. In modo speciali diversus à bruto esse
potest, ut non sit tamen inferior. V. t. 25. 4. Homo attingit
ultimam dispositionem materiae ad generandum. E. & forma
eductionem, qua ex illâ sequitur. R. sc. si forma sit ejusdem
ordinis cum illis dispositionibus, materialis, dependens, corrupti-
bilis. At anima rationalis est superioris ordinis. Hic propa-
gatio in genere sufficit, non opus materiali ex materiâ edu-
ctione, sed singulari Dei cooperatione.

5. Qui ab Angelis animas factas, aut in principio simul
omnes à Deo creatas esse, aut ab aeterno vixisse, aut ex campis
Elysij, Zodiaci portis, vel sideribus delapsas in corpora ajunt,
infirmis & penè nullis rationibus nituntur. Quasdam earum
per censent & refellunt Conimbr. 2. d. an. c. i. q. 3. a. 1. 3.
Bellarm. l. 4. d. pecc. c. II. Rabbinii suam sententiam ex
Deut. 29. v. 15. Job. 38. v. 21. Eccles. 4. v. 12. Esai. 57. v.
16. Jerem. I. v. 5. probare nituntur. Nihil illis probari in
ipso discursu docebitur. Ad Esai. 57. & Jerem. I. th. 9. re-
spondetur. Accedamus ad primariam hac in re dissentienti-
um sententiam, qua animas à Deo creari & creatas infundi do-
cet. Multis hi suam mentem argumentis fulciunt, ut apud
Bellarminum, Valentiam, Becanum, Zanchium, Alste-
dium, Junium, Goclenium, aliosquè videre est. Dispe-
scimus ea in certas classes, secuti Alstedium, ut ordine, quid fe-
rant, discutatur. Quaedam sumuntur ex dictis scripturas
Quaedam ex rationibus: Quaedam ex auctoritatibus.

6. Ex scripturis urgentur sequentia dicta: I. Dicta crea-
tionem

tionem hominis describentia. Gen. i. v. 27. c. 2. v. 7. In creatione Deus ostendit, quanam sint principia omnium rerum. Sed ibi anima ab extra accessit in corpus, inspirando & creando, non producta propagando. E. & talis hodiè ejus origo. R. i. Bella c. l. ingenuè fatetur, hunc locum satis demonstrare, animam primi hominis à Deo ex nihilo fuisse creatam, sed non cogere, ut idem de animabus reliquis judicetur. Poteſt enim reſponderi, ut Deus primi hominis corpus ex limo terræ formavit; sed reliqua per generationem ex parentum corporibus procreat: Sic ejus animam ex nihilo fuisse creatam, nunc verò ex illâ primâ reliquas propagari. Junius hoc argumentum probabilis habet, non autem cogente, in c. 2. Gen. v. 7. Similiter Pareus in c. l. Gen. & Zanchius l. 2. d. hom. c. 5. th. 2. §. 1. Sed Alstedius l. 6. Ency. p. 4. c. 1. §. 3. fidentior, hoc argumentum, ait, ab analogiâ creationis non est probabile, ut quidam opinantur, sed necessarium. 2. Deus ostendit in creatione principia rerum, sed creationis, non propagationis. Post creationem jussit animalia se propagare. Et cessavit creatio & successit generatio. V. d. 3. t. 21. In creatione Adamum ex limo, Evam ex costâ, aves & pisces ex aquis, terrestria bruta ex terrâ creavit. Sed postea ex seminibus suis per generationem ea omnia propagari voluit. Ita hoc argumentum à creationis analogiâ nihil probat. Instas: Sic animæ nostræ erunt alius speciei, quàm Adami, si aliundè, quàm ejus, originem sumant. Sic: Nostra corpora non sunt ex alio principio materiali, quàm Adami, pulvere terræ. E. illi in specie anologa R. Neg. Conf. Corpora nostra ex semine, Evæ ex costâ, Adami ex terrâ, ut proximâ materiâ sunt, & tamen ejusdem speciei. Posunt effectus ejusdem speciei à diversis causis esse, sic mus genitus, & ex putredine ortus. Et Deus utrinquè est author animarum, & Adami & nostra: sed illius per creationem, nostrarum per propagationem.

7. 2. Dicta creationem Eve narrantia. Gen. 2. v. 22.
 28. In eadem specie eadem est analogia. Et Moses diversam originē animæ Eve non narrat ac Adami, quod omninō fecisset, si diversa fuisset, nam origines rerum describere voluit. E. ut Adami anima insufflando creata fuit, ita & Eve. Hoc & Adam ipse novit, cum os ex ossibus suis, & carnem ex carne suā, non autem animam ex animā eam esse agnoscit. Quod magis ad exprimendam conjunctionem conjugij fecisset, quæ & corporum & animarum esse debet, si anima ex Adamo sumpta fuisset. R. 1. In eadem specie eadem est analogia quoad partes & operationes essentielles, non partium ortum; & cæteris paribus. Animalia ex putredine & ex semine orta ejusdem sunt speciei, & hæcenus eadem analogia: Ad modum tamen originis eam extendere non oportet. Aurum naturā genitum & artē Chymicā mutatum ejusdem speciei, originis ratio diversa. Homo generatus, & post corruptionem totalem resuscitatus ejusdem speciei, & ratio ortus diversissima.. 2. Moses non quidem narrat diversam originem animæ Eve & Adami, sed tamen insinuat. 1. quia ex animatā costā Adami formavit eam Deus, non inanimatā. Gen. 2. v. 22. 2. Quia Adamus eam os ex ossibus suis, carnem de carne suā vocat, & de viro sumptam ait. v. 23. At ipsius ossa & caro erant animata, & ipse vir vivus, non inanimatus. 3. Quia non narrat, animam ei inspiratam, ut Adamo. 4. Quia conjunctionem tantam conjugum prædicat Adamus, ut & parentes ob eam sint relinquendi. At tanta conjunctio non ex carnis solius & inanimæ participatione proficiscitur, sed viva & animata. 3. Moses origines rerum narrat, sed constituendarum, non constitutarum. Non ergò necesse, & in his eandem animarum præcisè originem specialem esse, ac in istis. Hic cessavit creatio, & successit generatio. d. 3. t. 21. 4. Animam

ex animâ dicere non necesse fuit, quia jam carnem ex carne dixerat, ubi synecdochicè & carnem & animam intellexerat, sic Joh. 3. v. 6. At carnem vivam ex carne vivâ sumi arctissimam conjunctionem innuit, in corporis & animi societate consistentem, ut ita conjugium velut unius carnis conjunctio sit. Matth. 19. v. 6.

8. 3. Dicta urgentur, Deo formationem spirituum, i. e. animarum humanarum adscribentia. Deut. 32. v. 6. dicitur, Deum patrem Israëlitarum esse, qui facit & creavit ipsos. Psal. 33. v. 15. finxit sigillatim corda eorum. Eccles. 12. v. 7. Spiritus redit ad Deum, qui dedit eum. Vbi in primis analysis hominis observanda. Nam talis est rei genesis, qualis analysis. Sed spiritus immediate ad Deum redire dicitur. E. & immediate ab eo productus fuit. Esai. 42. v. 5. Deus dat flatum populo terræ, & spiritum calcantiibus eam. c. 57. v. 6. Spiritus à facie Dei egreditur, & flatus ipse facit, i. e. animas. Jerem. 1. v. 5. Deus novit & formavit Jeremiam in utero. c. 38. v. 16. Vivit Dominus, qui facit nobis animam hanc. Zach. 12. v. 1. Deus cælum extendit, terram fundat, & fingit spiritum hominis in eo. Et solus cælum & terram creavit: sic & solus animam hominis creat. Hinc commendatur omnipotentia ejus: si ad animas & concurrant parentes, argumentum pro omnipotentia Dei flaccescit. Sapien. 15. v. 11. Ignorat figulus eum qui se finxit, & qui inspiravit illi animam, & qui insufflavit ei spiritum vitalem. v. 16. homo spiritum mutuari dicitur. 2. Macc. 7. v. 22. negat mater, se spiritum & animam filijs donavisse, aut vitam suppeditasse Act. 17. v. 25. Omnibus vitam & inspirationem dare Deus dicitur. R. Bellarminus c. 1. c. 11. di. Et illa, ait, probant quidem, animarum omnium conditore messe Deum, non tamen modum indicant, an per creationem ex nihilo, an per propagationem ex animâ primi hominis.

Verisifi-

Verisimè hoc: Ex dictis illis istud sequitur, Animarum auctorem omninò esse Deum, hoc conceditur: sed tali & tali modo auctorem esse, per immediatam creationem ex nihilo & infusionem inde non sequitur. Hoc specialis dictorum solutio docebit. Deo hac tribuuntur, quia ab ipso est causalitas omnium causarum naturalium, ait Scalig. ex. 6. f. 3.

9. In specie locus Deut. 23. v. 6. de beneficijs Israëlitis exhibitis agit, quòd eos divideret à cunctis gentibus, & sibi in peculium asseruerit, ut v. 8. 9. 10. docetur. Creare ibi est reformare, distinguere, in ordinem reducere, in regnum & Ecclesiam statuere & stabilire. Ita Corn. à Lapide in h. l. Reddit hic rationes peculiares Moses, ob quas Judæi singulariter sint obstricti. At beneficium universalis creationis est illis cum omnibus commune, non peculiare. Psal. 33. v. 15. de cogitatis loquitur, & inclinationibus cordis, non animâ. Eccles. 12. Deus spiritum dare dicitur, non tamen immediatè. Quomodo corpus nostrum ex pulvere est, in quem revertitur, ita anima à Deo, qui dedit eam. At illud mediatè ex illo est, mediante semine, & respectu primæ formationis Adam, quomodo omnes homines ex pulvere esse dicuntur. Sirac. 33. v. 10. E. & anima est à Deo, sc. nunc mediantibus parentibus per propagationem, olim in Adamo per immediatam creationem. Ab analysi hominis ad genesis inferre valet in terminis à quo & ad quem, non tamen in modo terminorum immediato. Sic corpus redit in pulverem. E. ex eo constat. Non tamen inferes, E. hodiè immediatè ex pulvere venit. Sic, Sp. redit ad Deum: non tamen sequitur. E. immediato modo ab ipso in corpus venit. A Deo venit: Sed tali vel tali modo venire inde, non sequitur. Esai. 57. de Spiritu S. in Pentecoste sub flatus specie venturo sermo est, non animabus quotidie in homine creatis. Cap. 42. & Jerem. 38. Deus facere animam, spiritum

& flatum hominis dicitur. Id non negamus. Sed immediata
 creatio inde non sequitur. Et corpora nostra formare dicitur
 Deus. Job. 10. v. 8. 9. 10. Psal. 139. v. 15. 16. Esai: 44. v. 42.
 Jerem. I. v. 5. 2. Macc. 7. v. 11. 22. Et homines facere.
 Psal. 119. v. 73. 2. Macc. 7. v. 23. Syrac. 7. v. 32. Nec tamen
 hac immediatè hodie creari quisquam dicit. Format Deus to-
 tum hominem, & totius pater est jure creationis, non animæ
 solius, sed & corporis: unde nos totos in morte ei commendamus.
 Etiam ventum creare dicitur Deus, & montes formare. Amos
 4. v. 17. nec tamen hodie ex nihilo illi creantur. Jerem. I.
 de formatione totius hominis sermo est, non solius animæ, &
 segregatione ad futurum munus Propheticum. Zach. 12. vel
 ad primam hominis creationem respicit, ut adjecta extensio cæ-
 li, & fundatio terræ ostendit, quæ olim fundata est, hodiè non
 fundatur, sed conservatur, sic animam immediatè à Deo fuisse
 non negatur: vel ad continuationem animarum, sic animas à
 Deo formari conceditur, sed immediatâ creatione id fieri non
 sequitur. Emphaticè dicitur, spiritum hominis formare
 IN HOMINE, ut modus propagandi per hominem innua-
 tur: non extrâ immittere vel infundere in eum, quod creatio-
 nem ab extrâ & infusionem creatæ notaret. Etiam homines
 formare dicitur, & illud extensioni cæli & foundationi terræ
 jungitur. Esai. 51. v. 13. Nec tamen immediata hominum
 creatio inde sequitur. Omnipotentia DEI satis conveni-
 datur, si in primâ rerum creatione immediatè cælum,
 terram, & animam creasse dicatur, quod conceditur, &
 si in continuatione rerum & causa secundæ agant quod suum
 est, concurrente primâ causâ, & motum influxumq; suppedi-
 tante, quod & ipsum omnipotentia divine est argumentum.
 Brightus in Phy. Scri. I. I. §. 22. respondet, in Hebræo esse
 verbum יצר, quod fingere & formare ex aliquo notet, non
ברא, quod ex nihilo creare significet. Vnde sic formatio a-
nime

nima intra ipsum corpus notetur, non immediata creatio. Sap. 15. ad primam creationem in Adamo respicitur. 2. Macc. 7. negat mater se spiritum filiis dedisse, quasi scilicet ipsa à se facultatem habuisset formandi hominem, sic enim Deus ut primum agens adducitur v. 23. Sic & negat membra se formas se distinctè, v. 22. quæ tamen utiquè formavit. Sic negatur Ananias mentitus esse hominibus. Act. 5. v. 4. & si Petro mentiebatur, quia non tam Petro, quàm Sp. S. mentitus fuit. Act. 17. Deus omnibus inspirationem & vitam dare dicitur, ubi & bruta comprehenduntur. At his per generationem dat vitam, non immediatè per creationem. Sic corvos pascere dicitur, & jumenta. Job. 39. v. 3. Psal. 147. v. 10. Sed mediatè per parentes, homines, aliavè media, non immediatè.

10. 4. Urgentur dicta, Deum Patrem Spirituum vocantia, ut Num. 16. v. 22. c. 27. v. 16. Hebr. 12. v. 9. Dominum Spiritus. 2. Macc. 14. v. 46. conditorem animarum. I. Petr. 4. v. 19. R. Inde etiam non immediata creatio sequitur. Et Dominus universæ carnis dicitur. Jer. 32. v. 27. Nec tamen caro immediatè ab eo creatur. Num. 16. & 27. non tam ratione creationis, quàm conservationis, gubernationis & intimæ cogitatorum scrutationis ita dicitur, quòd intima cordium cogitata penetrare possit, sicquè videat, populum non malitiâ rebellare, sed deceptione: & ex intimo illo recessuum humanorum donorumq; in homine scrutinio maximè idoneum ad gubernandum populum in posterum eligere possit. Hec contextus docet. Heb. 12. Pater Spirituum non ratione animæ dicitur, sed totius hominis regeniti, & status spiritalis regenerationis, & opponitur patri carnis ratione status carnalis; ut sicut à carnalibus corpus, vitam carnalem, & informationem civilem habemus: sic à spiritali vitam, informationem & statum spiritualem. Et paternitas magis dicitur ratione generationis, quàm creationis. Quod spiritaliter nos

in filios regeneret, inde pater dicitur. Hoc v. 10. docet. Sic Filij Dei & filij hominum dicuntur, non ratione anima vel corpore, quasi hoc à parentibus, illa immediatè à Deo habeatur, sed ratione status & adherentia, quòd vel divinis rebus vel humanis adhæcant. Gen. 6. v. 2. 4. 1. Pet. 4. Deus conditor animarum non simpliciter dicitur, sed in bonis operibus, quòd ille solus regenerationem animarum ad bonum præstet. 5. Urgetur locus Exod. 21. v. 22. Vbi 70. Interpretes reddiderunt, & non fuerit formatum, multè arbitrarie subjacebit, ut Embryo notetur adhuc informandus animâ rationali nondum informatus: unde colligitur, non statim cum semine dari animam rationalem, sed post demum eam succedere. Et qui percutiat embryonem, non occidere hominem, quippe nondum animâ rationali formatum, unde nec ordinariâ pœnâ homicidij puniri. Et sic anima rationalis non poterit per traducem statim in conceptione propagari. Ita Zanchius c. 5. l. 2. th. 2. R. 1. In Hebræo, quorsum in veritate indagandâ recurrendum, nihil horum est, sed mortuo fœtu animam pro animâ dandam dicitur, vivo illo egresso arbitrariam pœnam irrogandam. 2. Si omninò de formato vel non formato fœtu ubi agatur, poterit id commodè de delineatione formæ externæ accidentalis & humana accipi, ut membra fœtus quasi plenè effigiata sint, ut sit parvus quasi vir, non præcisè de descriptione formæ essentialis. Ita Corn. à Lapid. in h. l. Potest etiam illa non formatio de operationibus, quæ in fœtu se exerunt, accipi, ut anima rationalis quidem adsit, sed organorum defectu per rationales operationes se exercere nequeat. 3. Non sequitur, si occidens embryonem non ordinariâ pœnâ homicidij puniatur, non occidere illum verum hominem, sed futurum tantum. Nam & servum suum occidens non punitur ut homicida, v. 21. Et tamen verum hominem occidit. Sic si bos cornu

nupera

nupeta occidat servum & ancillam, pecuniaria pœna irrogatur domino. v. 32. Sic qui casu hominem occidit, non morte punitur. Deut. 19. v. 5. 6. Et tamen veri homines decisi. Idco non ordinariè punitur Embryonem occidens, non quod non verus homo sit embryo, sed quod non intentus sit occidi, sed casu id factum, cum alium virum percutere intendisset, nec ita facile adverti potuerit, an mulier prægnans esset, atque ipsa mulier adverti potuit: unde hujus occisio ordinariè punitur, ut homicidium.

II. 6. Urgetur locus Levit. 12. v. 2. 3. 4. de lege purgationis, ubi genito puero 40. dies, puellâ 80. mulieri in purgationem statuuntur. Quod indicio est, istis diebus animas liberis infundi. R. Lex purgationis non animarum infusionem sed perfectam membrorum conformationem notat. Et obfluxum sanguinis in puerperis statuitur, v. 4. 5. non accessum animæ rationalis. 7. Urgetur ex sacris exemplum Christi, cujus anima non fuit tracta à matre, secus peccato originis infecta fuisset, ut ipsa matris anima. E. nec nostræ animæ à parentibus traducuntur, fuit enim Christus nobis per omnia similis, excepto peccato. R. omnino Christus à matre animam traxit, sed sine peccato, ob peculiarem Sp. S. operationem supervenientem Mariæ, & obumbrantem eam, ac segregantem ab omni labe partes illas, ex quibus Christus formandus erat. Vnde mirabiliter sine concursu viri conceptus est à Sp. S. Mat. 1. v. 18. 20. Et quod in Mariâ conceptum fuit, sanctum fuit, Luc. 1. v. 35. Vt ergo Christus à matre & animam & corpus hausit: ita & nos à parentibus. Sed cum nos non ita segregemur peculiari sanctificatione, ut Christus, non mirum, si peccato infecti progengeremur. Non à viro ortus est Christus, in quo ut primo parente omnes peccatum contraximus, ut qui viriute in illo continebamur, & naturali propagatione ab eo propagari debebamus.

Fuit de Adamo, Abrahamo, Davide, Christus, quia carnem, quae de ipsis erat, induit: non fuit in eis, quia virtute naturali acti-
vâ ab ipsis derivatâ non est propagatus, sed virtute Dei, ut ex
Patribus loquitur Toletus in c. 1. Luc. n. 95.

12. Fuerunt argumenta ex scriptura; Sequuntur, quae ex
ratione. *Obijciunt* 1. Om: generabile est etiam corrupti-
bile & mortale. Anima humana est generabilis, si unâ cum
corpore generando propagatur. E. & corruptibilis & mortalis,
quod est contra fidem Christianam. R. 1. Nego majorem. Ho-
mo in statu integro fuisset generabilis, quia generando propa-
ri debebat: non fuisset corruptibilis & mortalis, concedentibus
Adversarijs. V. d. 3. t. 26. 2. Limbo majorem. Om: generabi-
le sc. per generationem merè naturalem & educationem ex po-
tentiâ materiæ est corruptibile. At anima propagatur per pec-
uliarem Dei cooperationem & benedictionem, modo speciali
propagandi nobis incognito. Ita animam mortalem esse non
necessum est. 3. Om: generabile scil. totale & ultimum,
& ut quod, est corruptibile, sc. potentiâ remota, & nisi
impediatur. At anima est potius generabilis ut quo &
partiale, quod potius propagatur quàm generatur, quod est
compositi. 4. Anima humana est immortalis, quia Deus ta-
lem esse, & ex tali animâ praeiit eam propagare voluit: Ea-
dem est simul propagabilis, quia & talem Deus esse voluit.
Hæc non sunt Christiano opponenda, sed subordinanda. Pri-
maria radix, cur restalis vel talis sit, est quod Deus eam talem
esse voluerit. V. d. 3. t. 23. *Obij:* 2. Anima subsistit per se
post mortem. E. nec dependet in fieri à corpore, sed per se pro-
ducitur, non ad productionem corporis. E. nec generatur aut
propagatur, sed per se producit, i. e. creatur. R. anima
subsistit per se cura corpus, sed violenter & praternaturaliter,
non per sui naturam: & per se est forma sui corporis, per
statum

statum violentum est extra corpus. V. d. 3. t. 26. Nec generatur anima, quod compositum esse aiunt Philosophi, sed propagatur. Ex propagatione qualicumque dependentiam materialem à corpore & consequenter mortalitatem colligere non sequitur.

13. 3. Om. spiritus est ingenerabilis. Matth. 22. v. 30. Anima humana est spiritus. Ergò. R. 1. Conceditur totum, non generatur, sed mirabiliter propagatur. 2. Major si de propagatione qualicumque intelligatur, est falsa. Valet de spiritu subsistentiam totalem & completam habente, qualis est Angelus, non incompletam. V. d. 3. c. 1. & in statu spirituali spectato, qualis hominum post resurrectionem est, hoc vult locus citatus, ut ex Marco patet c. 12. v. 25. non animali, qualis est homo ad hanc vitam creatus, ubi ad propagationem conditus. 4. Absurdum est, rem corpoream agere in spirituales, ut concessum, d. 3. t. 15. E. minus spiritus produci potest à corpore. R. Spiritus non producit à corpore, ut corpus est pars hominis altera spiritui contradistincta, sed ut ad modum totius sumitur animà & corpore constans, quomodo homo corpus animatum sentiens dici solet. Sic totum, homo, propagat generando totum, hominem, non seorsim corpus, non seorsim spiritum. Qui animas ab animabus velut accendi & promoveri sentiunt, ut ignis ab igne, V. d. 3. t. 22. respondebunt, non animam oriri ex corpore, sed animà, & spiritum à spiritu promoveri, per mirabilem Dei benedictionem, sic esse jubentis, & cooperationem, sic esse facientis. Deinde absurdum est, corporeum virtute naturali & materiali partialiter producere animam, ut spiritum & partem alteram compositi. Sed non absurdum est, totam speciem singulari virtute feminali à creatore inditâ totam speciem propagare, & sic consequenter formam producti trahi à producente, quod nos statumus. V. d. 3. t. 22. Pater non producit animam filij ex semine, non corpus ex semine,

mine, sed species tota generando propagat speciem. Hoc Dei iussui & benedictioni, naturali generationi, & specierum conservationi est conveniens, nec ultrà curiositati frana laxanda sunt. 5. Nihil agit ultrà speciem, viresquè suas. Sed corpus est quantum & materiatur, anima non quanta & spiritualis. E. à quanto produci non potest. R. nec producitur à corpore seorsim & partialiter, sed totus homo à toto homine totaliter propagatur. V. c. l.

14. 6. Anima trahitur vel ex corpore, sic erit corporea, materialis, corruptibilis: vel ab animâ: sic vel ab animâ patris, eaque vel totâ, & sic ipse privabitur animâ, vel parte, sic anima rationalis erit partibilis: vel erit una anima patris & filij, sic non erunt duo supposita numero diversa, pater & filius, nam illa duas formas numero diversas requirunt: vel ab animâ matris, sic pater non erit primum generans, cui tamen filij primario adscribuntur in sacris: & filius magis erit matris, quàm patris: vel ab utriusq., sic vel dividetur utriusq. anima, vel duplicabitur in filio anima, si tota ab utroque parente in eum derivatur. Qua omnia sunt absurda. E. anima non trahitur à parentibus. R. 1. Totum argumentum respicit modum specialem ortus animæ, quem ulli hominum cognitum esse negatum fuit d. 3. t. 22. Nam in modis specialibus ita distinguere solemus, aut ab hoc, aut ab illo, aut utroque: aut divisione, aut multiplicatione, aut privatione. At cum modum specialem non cognitum homini esse dicimus, omnia ista disjuncta remove possumus, & addere, aut modo aliquo peculiari nobis incognito, nec satis explicabili. Hoc tutissimè hic adhibebitur. Aut à toto, sc: homine oriatur totus homo, non corpus à corpore, non anima ab animâ seorsim, non pars à parte: sed totum à toto, homo ab homine, filius à parente utroque in conjunctione conjugali ut una caro spectato, per
modum

modum specialem nobis incognitum & peculiarem Dei coope-
rationem. Sic & in brutis se res habet: Totum oritur à to-
to, non pars à parte: species generando propagat speciem, non
partem, per Dei jussionem & benedictionem. Ad partiali-
tates illas in animâ delabi velle perinde erit, ac singula mem-
bra à singulis membris oriri dicere. Cum totum oriatur
à toto virtute totaliter generandi à Deo pradito & fœcun-
dato, non pars à parte. Est in bove virtus generandi totum
bovem, non corpus seorsim, non animam, per Dei voluntatem
& benedictionem: Cur non in homine virtus generandi to-
tum hominem animâ & corpore constantem, non hanc, non il-
lam partem partialiter, per eandem benedictionem? Conf. d.
3. t. 28. Generatio est totius à toto productio, non partis à par-
te separata communicatio.

15. 2. Anima & ab patre trahitur, Vnde patres genuisse
Gen. 5. v. 3. 5. c. 17. v. 20. & anima ex fœmore ipsorum pro-
dijsse dicuntur. V. d. 3. t. 23. & ab matre, unde & hæc gignere
dicuntur. Gen. 4. v. 1. 2. 17. c. 17. v. 16. 19. Sic Maria ge-
nuit filium. Matt. 1. v. 20. Luc. 2. v. 6. 7. Et Christus ani-
mam à matre traxit: & filij matres interdum representant:
Et parentes simul efficere liberos dicuntur. Syr. 7. v. 30. Sed
non per divisionem materialem, nec privationem animæ pa-
rentum, aut communicationem transitiivam, nec coalitionem
anima parentum & liberorum, vel duplicationem ejus in libe-
ris, sed communicationem multiplicationis & fœcunditatis,
quâ per Dei benedictionem & virtutem in parentibus virtus
existit multiplicandi suam speciem quoad corpus & animam, ut
retineant quod habent, & communicent liberis essentiam, quam
liberi non habent, sed à parentibus accipiunt. Sic bos & reti-
net sibi animam, & tamen singulari fœcunditate divinius
inditâ per e. bun; crescere & multiplicamini, communicat

fœtui animam & essentiam, ut nec propriâ destituatur, nec instar corporis anima dividatur, sed nova mirabili fecunditate sufficiatur, & promoveatur. Cur non aqua fecunditas in homine agnoscatur? 3. Generatio est utriusq; sexus conjunctim, non alterius divisim: non solius maris, nec solius fœminæ, sed maris & fœminæ simul, quâ in conjunctione conjugali una caro & unum agens sunt. Gen. 2. v. 24. Matth. 19. v. 6. Ephes. 5. v. 31. Unde ab Adamo omnes progeniti sumus, non solitario, sed per conjunctionem conjugalem cum Evâ spectato: & ita agnoscere Evam matrem, quàm Adamum patrem debemus. Nec filius magis est patris, quàm matris, nec filia magis matris, quàm patris: sed ut parentum communis est generatio, ita filiationis eadem quantum ad naturam communio. Quicquid de Ethicâ aut Politicâ estimatione sit. In his conjunctim ut unum agentibus non valet divisim arguere: Aut ab hoc, aut ab isto id est: nam addendum tertium, aut ab utroq; conjunctim ut unum agens spectato. Sic lumen unum in conclave conjunctim à duabus candelis productum est, non divisim: nec licet dicere: aut ab hac candelâ est, aut ab ista; Cum ab utraq; in conjunctione operatione velut unâ sit. Ita generatio nec solius est patris: Cur enim non sine fœminâ generat? Cur mas & fœminæ cum sint ejusdem speciei, non habeant eandem specie potentiam? Eandem enim speciem eadem sequitur potentia. Nec solius matris. Cur enim non sine mare gignit? Cur ova subventanea, quæ à fœminis sine mare concipiuntur, ad fœtû producendû sunt ineptæ? Cur plantæ, in quibus unus interdum est sexus, semen in terra gremium projiciunt, ut ibi velut in utero elaboretur? sed utriusquæ sexus commune apotelesma. Et rectè Empedocles semen genitale maris & fœminæ quasi symbolum dixit, totum autem à neutro proficisci, ap. Aristot. 1. d. gen. anim. c. 18. Non habet semen patris & matris in generatione rationem duplicis

plicis & sejuncti principij, quasi in semine patris esset tota anima, in semine matris etiam tota, sic enim duplex anima ori-
 etur: sed unius & conjuncti, quod ita conjunctum coalescit &
 fit principium, cum sejunctum & separatum rationem princi-
 pij non habuerit. Semen maris & fœmina in generatione
 conjunctum per Dei ordinationem est principium genitura: ma-
 ris solitarium vel fœmina non est principium. Generatio
 est conjuncta & unita operatio, non divisa. *Ut forma non
 potest esse nisi una unius rei: Ita principium continens ipsam
 formam non potest esse nisi unum.* Forma enim cum sit sim-
 plex & indivisibilis, ex duobus componi non potest. At com-
 poneretur, si è mare prodiret ac fœminâ, ait Scalig. ex. 268.
*Ut ex silice & ferro contusis ex utroq; nascitur ignis: sic ex viri
 & mulieris conjunctione per Dei concursum constituitur corpus
 & anima, & sic fœtus.* Conf. D. Sennert. d. Chym. conf. c. 9.
 l. 1. jnst. Medic. c. 10. Nec duplicari ex maris & fœmina
 semine effectum necesse est, sicut nec à duabus candelis lumen
 diffusum in conclavi duplicatur, quia non ut duo agentia, sed ut
 unum concurrunt. Generatio facta est per Adamum & E-
 vam simul, ait Alsted. p. 4. Th. Polem. d. gra. pr. hom. q.
 9. p. 469. Sic ex tribus palmularum ossibus satis fiet unus sti-
 pes, & unica uno contenta stipite palma. Scaliger ex. 106. f.
 6. 4. Si omninò naturaliter duplex anima in filio à duplici
 parente oriri deberet, impediretur tamen illa duplicatio mira-
 bili cooperatione Dei, quam in generatione humanâ agnoscimus,
 qua ad unum determinaret, quod aliàs duplex fieret. Na-
 turalis tamen hæc determinatio dici posset, quia & frequens es-
 set, quod miraculi vim elevat, juxta Scalig. ex. 312. &
 subjecto, anima ac composito, debita & conveniens. Quidam
 à solo patre animam traduci putant, quod defendentem Vide
 D. Meisnerum p. 1. Ph. so. f. 3. c. 6. q. 1. p. 599.

16. 7. Si ab utroq; parente producitur anima, E. frustranea erit alterius operatio, nam ab uno totaliter anima produci posset. Sed natura & ars nihil agunt frustra. R. 1. Non esset frustraneus duorum concursus, quia institutioni divinae & statui conjugali conveniens, nec potest generatio uno sexu perfici, sed utriusq; concursus ad eam requiritur, tanquam commune utriusq; apotelesma, agente quovis, quod suum est. Sic sunt duo equi in trahendo onere necessarij, quod unus trahere non potest. Idem in causis subordinatis ad unum effectum concurrentibus habendum. 2. Vbi causa totales sunt mutuam dependentiam non requirentes, ibi causa una sufficit, & altera est frustranea. Sed in generatione neuter sexus est causa ita totalis, ut alterius concurrentiam non requirat. Nisi divinitus annus suppleatur ad producendum effectum, ut in Mariâ factum, quæ sine viro genuit. 8. Obji: Aut per unam actionem parentes produciunt animam, aut per duas. Si per unam, quomodo à diversis numero subiectis una numero actio prodire potest. Si per diversas, quomodo non due animæ ad duas productiones sequuntur? Et ex duobus actibus non fit unum per se. R. 1. Per duas actiones produciunt, sed non sequitur duplex effectus, quia cause sunt concurrentes & subordinata in actione, non dijunctæ & separata. Sic duo pictores unâ picturâ occupati unam imaginem produciunt, non duplicem; & causa principalis & instrumentalis produciunt unum numero effectum; non duplicem: & duo luminosa corpora unum numero lumen unitivè in medio produciunt. 2. Si omnino due animæ à duabus causis sequerentur, impediretur id tamen mirabili primi agentis directione & cooperatione in generatione hominis, quam in eâ concurrere fateamur. 3. Ex duobus actibus sc. substantialibus & completis non fit unum per se: sic ex duobus animabus non fiet unus homo per se, non autem ex duabus actionibus non fit unum

unum compositum. Et ex uno, quod est instar materia, altero, quod instar actus, unum per se fieri usitatisimum. Confer Scalig: ex. 268. & ex. 106. f. 6.

17. 9. Si ab utroque parente est anima, & sic etiam à matre, cur mulier dicitur principium generationis passivum, si & ipsa activè ad generationem concurrit? Cur mulieres dicuntur similes spadonibus, qui activè non generant? Cur non ob emissionem spirituum marcescunt, ut viri, si activè generant? Cur sexuum differentia in eo ponitur, quod mas sit principium agens, fœmina patiens? Cur à matre familia origo & denominatio sumitur, non à muliere simul, si & hac activè generat? R. 1. Mulier dicitur principium passivum non in ipso opere generationis, sed in ejus preparationibus. Mas eicit semen, fœmina recipit & elaborat: sic mas dicitur agens, mulier patiens, & in hoc est sexus differentia. Quod mas extrà generet, fœmina intrà: ille ejecto semine quiescit, hac ultrà pręparat, disponit, gestat, & elaborat. 2. Mulieres dicuntur spadonibus similes, qui extrà generare nequeunt, ut vir perfectus, sicut & spadones id nequeunt: non quod nihil ad vitam animamvè fœtus comportent. Eadem non marcescunt ob emissionem spirituum, quia nec semper emittunt semen, ut viri, nec extrà ejaculantur, sed intrà recipiunt. Quomodo mas sit agens, fœmina patiens, ex dictis constat. 3. A patre familia origo & denominatio sumitur, quia is caput familię, principale in generatione agens, caput uxoris, & propter quem mulier est facta, non ipse propter mulierem. 1. Cor. II. v. 3. 9. Et cui mulieres liberos generare dicuntur, tanquam domino. Gen. 21. v. 2. 3. 7. 9. c. 22. v. 20. c. 24. v. 24. 47. c. 25. v. 2. c. 30. v. 5. 1. Paral. 15. v. 4. & passim.

18. 10. Si anima à parentibus traducitur, aut in primo conceptio nis puncto adest anima rationalis, aut post succedit.

cedit. Si in primo puncto adest, ergò latebit in semine, & ex ejus potestate postea emerget, sic erit materialis, ut anima bruti, & consequenter mortalis. Si post succedit, ergò non concipitur homo, sed aliud quid ab homine, & homo fieri postea demum incipit. R. In primâ conceptione adest anima humana in semine, nam & homo concipitur. V. d. 3. c. 27. Sed non ut ex ejus potestate merè naturali exsurgat, ut forma materialis, sed ut peculiari Dei cooperatione & benedictione propagetur, & sic totus homo à toto homine generetur. Est medium quid inter propagationem materiale & immediatam creationem, nempe propagatio quidem, sed non merè naturalis, verum accedente peculiari Dei cooperatione, & quæ propagatio singularis & mirabilis dici potest. II. Si animus propagatur in generatione, est opus non Dei immediatum, sed natura. Si est opus naturæ, generatur. Si generatur, ex materiâ generatur. Si ex materiâ, erit materialium quid & corpus, non spiritus. E. Si animus propagatur, est corpus, non spiritus. R. Fallit illa propositio, si est opus naturæ, generatur: Potest enim mirabili virtute divinâ natura inditâ propagari. Compositum & totum propriè generatur: Partes vel congenerantur vel propagantur.

19. 12. Si anima oritur ab animo, aut existet ex nullâ materiâ, & sic creatur, aut ex aliquâ. Nam quicquid fit, vel ex nihilo fit, quod est creari, vel ex aliquâ materiâ. Ita vel ex semine proprio anima erit, quod non; quia est spiritus immaterialis & simplex, omnis corporeitatis expers, & sic semen non habet: vel ex alieno & corporis, sic erit corporeus. R. Quicquid fit ultimò & tanquam compositum, ex nihilo vel materiâ fit. Ita composita propriè fiunt. Formæ compositorum non fiunt, sed consiunt, educuntur, emergunt, traducuntur, propagantur. Anima humana producitur mirabili modo, & peculiari

peculiari Dei concursu, cujus omnes rationes explicare nequimus. Ita nec ex nullâ materiâ procedit per creationem, nec ex materiâ seminali per communem generationem, sed ex virtute seminali per singularem Dei benedictionem, & peculiarem ac non materialem propagationem. Potest dici traduci ex potestate materiae, sed non naturali, ut formae brutorum, plantarum, sed obœdientiali, respectu singularis concursus & benedictionis divinae. Ita & ex virtute seminali esse potest, & simul incorruptibilis manere. Quia Deus utrumq; fieri voluit. V. t. 12. Conf. D. Gerhard. d. imag. dei. §. 124. 13. Animus oritur ab animo, vel ut materiâ, sic erit materialis, vel ut efficiente, sic actione natura propagatur. R. vel ut toto homine per actionem particulariter & specialiter nobis incognitam, & singularem Dei benedictionem. Homo generatur ab homine totaliter, non corpus à corpore, animus ab animo partialiter. V. t. 14. Ignoramus modos speciales humana generationis. V. th. 2. Itaq; in partes singulas disquirendo specialiter delabi non possumus. 13. Quæ similis sunt natura, etiam similes operationes & origines habent. Sed anima humana & angelus similis sunt natura, spiritualis nempe & incorporea. E. & similem habent originem. Et consequenter ut angeli non propagantur, sic nec anima humana. R. Major est falsissima. V. t. 6. Adamus erat ejusdem speciei & similis natura cum filio, quem genuerat. Et tamen ille ex luto creabatur, hic ex semine generabatur.

20. 14. Ut res in operari, ita in esse. Sed operari anima rationalis est incorporeum & immateriale, ut intelligere & velle, quæ mens etiam exercere potest sine corpore, ut cum ab eo est separata. E. Et esse illius est sine corpore, & consequenter efficietur sine corpore. At tradux est modus efficiendi per corpus. E. traduce propagari non potest. R. 1, Ut res est in operari,

operari, ita & in esse, sed non semper in fieri. *Filius non dependet in esse aut operari à patre vel matre, non magis quàm hi à filio, tamen in fieri dependet. Ita licet esset & operaretur sine corpore anima, non statim fieret sine illo.* 2. *Anima & si sit inorganica in agendo, non tamen sine corpore ut obiecto agit. Oportet enim intelligentem phantasmata speculari, ait Aristot. 3. d. an. c. 7. §. 20. Et dum est in corpore anima sine corporis obiectis non potest initiari sacris intellectiōis, ait Scalig. ex. 265. Non utitur anima corpore ut organo, vel medio, per quod intelligat, utitur tamen ut obiecto, quod intueatur, ait Goclen. in advers. ex. 41. ad operandum & ante operationem ipsam utitur organis corporis: in ipsâ operatione non utitur, ait idem ex. 45. In receptione intelligibilium est organica anima, in iudicio inorganica, ait Scheibl. Top. c. 5. n. 60. Hoc melancholia, mania, deliria, ebrietates, doceant.* 3. *Fieri anima rationalis non est corporeum, non enim propriè fit, quod compositi est, non partus, sed fiente composito ipsa mirabiliter propagatur, & ad constitutionem compositi exurgit.* 15. *Corrupto corpore anima non corrumpitur, sed remanet. E. nec generato corpore generatur ea. Nam si generatio corporis est causa productionis animæ, E. corruptio corporis erit causa interitus animæ. Nam ut positâ causâ ponitur effectus, sic ablata tollitur. R. Nec generatur anima, sed traducitur & propagatur. Nec sequitur, si cum corpore propagatur anima, E. intereunte eo & ipsa interit. Nam talis est res, qualem Deus eam esse voluit. Is & propagari eam voluit, & corrupto corpore subsistere. Hoc Christiani est, subordinare sibi, non contraponere. Sic corpus Adami erat ex corruptibili pulvere formatum, & tamen in integritate debebat esse incorruptibile V. t. 12. & d. 3. t. 26. Positâ causâ sc. adequatâ ponitur effectus: sed generatio corporis non est causa adequata generationis*


onis anima, nec enim primò corpus generari dicimus, secundò & per corpus animam: sed primò compositum generatur, per illud succedunt, mergunt & propagantur partes. Ita nec alterum membrum procedet; corruptio corporis erit causa corruptionis anime: nam generatio corporis non fuit causa generationis anime.

21. 16. Imago Dei primaria non potest ex materiâ ortum capere, vel propagatione naturali traduci. Sed anima rationalis est primaria imago Dei, ob simplicitatem, immaterialitatem, invisibilitatē, immortalitatem, & intelligendi ac volendi facultatem, secundaria imago etiam corpus est. Ergo. R. 1. Ambiguè dicitur imago Dei primaria. Interdum notat sanctitatem, innocentiam & perfectionem omnium virium in primo homine, Ephes. 4. v. 24. Colos. 3. v. 10. Et hac primò est imago Dei, ac per lapsum totaliter perdita, nec amplius propagatur; sed in nobis per Christum restauratur: interdum notat anime substantiam, quam per analogiam patres interdum imaginem divinam dixerunt. Conf. D. Meisn. d. 1. Antrop. q. 4. t. 5. Bellar. l. d. grat. pr. hom. c. 2. Hanc propagari non posse falsum esse hætenus ostensum. 2. Ambiguè dicitur, propagatione naturali traduci. Vel enim id est merè naturaliter & materialiter propagari, ac ex materia potestate educi, ut bruta & planta se propagant, sic non naturaliter propagatur anima: vel mirabiliter & cum peculiari Dei concursu propagari, ita traducitur, & sic per generationem naturalem ipsa imago Dei in integritate propagata fuisset, quomodo nunc cum animâ iniustitia originalis & peccatum propagatur.

22. 17. Consensus omnium gentium docet, animas non traduce propagari, omnium enim mentibus insitum est, eas à Deo creari, ut & agricola, fabri, sutores, muliercula, pueri id sciant. R. Omnibus mentibus insitum est, animas rationales à Deo esse: an immediatè ab ipso sint, an mediatè per parentes, non est. 2. Hoc naturaliter omnibus est insitum, hominem generare hominem & totam speciem, ut bos bovem & speciem suam generando propagat. 3. Si muliercula, agricola, id sciunt, ut ait Bellarm: mirum est, unde sciant? & què tam facile sciant sutores, de quo &itant & tot sententijs inter se digladiantur doctores?

res? 4. In rebus nominandis vulgi sensu uti debemus: sed in rebus constitutendis, aut tales vel non tales sint, non audienda est multitudo, inquit Philosophus 2. Top. c. 2. Et Johannes 23. Papa rogatus, quid à veritate esset remotius, Vulgi, respondit, sententiam, ut Baleus in ejus opera & Camer. C. I. c. 40. referunt. Idem hic habendum & cum Lyr. 1. 3. od. 1. dicendum, Odi profanum vulgus & arceo.

23. 18. Patres & Philosophi magno numero pro hac sententia stant, ut ex d. 3. th. 5. patet. Et Arist. 2. d. gen. an. c. 3. expressè dicit, cum cæteras opiniones remouisset, relinqui, solam mentem forinsecus advenire, solamq; divinam esse. ἡ δὲ ψυχὴ διὰ θεοῦ ἐπεστίναται. 1. Patres sunt lumina, non numina: & sunt illorum testimonia sententia alicujus accedentia ornamenta, non principalia firmamenta. Sæptorum patrum autoritas, ait Biel, ad assentiendum ipsorum dictis non minem compellit, nisi in divinis fundata fuerit scripturis, aut divinis innitatur revelationi. 2. Patres non omnes idem sentiunt: quidam habent in utramq; partem: alij animam opus Dei dicendo nobis non contrariantur, ut in specie ostendit D. Gerhard. d. imag. Dei. §. 12. 3. Philosophi etiam variant, & cum in utramq; partem inclinent, eorum autoritas veritati præjudicium ferre non potest. In propagato in omnes mortales originali peccato rectissime consequens propagata anima colligitur. Sed istud cum ignorarint Philosophi, secius paulo de hujus origine eos statuisse nihil miri est. Nobis Christiana principia scientibus convenientius hac in re sentiri potest: nec illorum sententia hic præscribere debet aut potest. 4. Ad Aristotelis locum ex 2. d. gen. an. qui classicè habet ad duci solet, rectè respondent Havenreuterus ap. Goclen. in Psichop. p. 297. & Cl. J. Mart. l. 3. misc. d. 7. c. 48: Per modum objectionis adhuc id ab Aristot. dicit, mentem forinsecus advenire, non decisionis, quæ postea subjungitur, cum omnis anima virtutem corpus aliquod magis dicendum, quàm elementum a sint, participare dicit. & inesse in semine affirmat, quod faciat, ut secundum sint, quod calos vocetur: ac corpus genitura, in quo semen unum proveniat, partim separabile esse, quæ sit divina pars mens, appellata, partim inseparabile doniq; habere illud potentia animam, non actus. Et hunc loquendi modum in objectionibus adhuc resistentibus per verbum relinquitur, usitatum Aristoteli esse, ex lib. 1. prior. c. 13. l. 2. d. cœl. c. 6. t. 40. l. 3. c. 7. t. 50. talique locis patet. Atque hæc de origine animæ etiam Ἀριστοτέλης discipulis prære nata sufficiat, & sic totius materiæ de origine formarum colophon cum D E O cito

itini
ere
and
re.
li-
tar
are,

no-
r h
pe-
-



